

明史紀事本末

明史紀事本末

明史紀事本末卷四十七

提督浙江學政僉事豐潤谷應泰編輯

宸濠之叛

武宗正德二年夏四月劉瑾受寧王宸濠重賂矯詔擅復護衛屯田寧藩舊在大寧今三衛地也初太祖諸子寧王善謀燕王善戰靖難兵起燕王以計挾寧王遷北平後以其地與朶顏三衛遂徙封江西天順間寧府不法革去護衛改爲南昌左衛至是宸濠遣內官梁安輦金銀二萬通瑾朦朧奏請准改南昌左衛爲護衛又准與南昌河泊所一處侵奪民利

明史紀事本末 卷四十一
五年秋八月劉瑾伏誅兵部奏革寧王宸濠護衛仍
爲南昌左衛

六年冬十月寧王宸濠葬母於西山青嵐乃先朝禁
革舊穴也

八年夏四月寧王宸濠建陽春書院僭號離宮宸濠
懷不軌術士李自然等妄稱天命謂濠當爲天子又
招術士李日芳等謂城東南隅有天子氣遂建書院
當之

九年春三月復寧王宸濠護衛屯田先是陸完爲江
西按察司爲宸濠所重常曰陸先生他日必爲公卿

完亦心附之至是完爲兵部尚書濠喜曰全卿爲司馬護衛可復得矣全卿完字也自完入內與王歲時問遺不絕王致書完欲復護衛完答書須以祖訓爲言時伶人臧賢者有寵於上左右近習錢寧張銳張雄輩皆陰結之以求固寵賢婿司鉞坐法充南昌衛軍宸濠因之以通於賢每手書寄賢字賢爲良之至是乞護衛輦載金寶於賢家分饋諸權要大學士費宏知之宣言曰今寧王以金寶鉅萬復護衛苟聽其所爲吾江西無噍類矣陸完知宏必阻之乃密謀於錢寧等會三月十五廷試進士內閣與部院大臣皆

在東閣讀卷完遂於十四日投覆寧王乞護衛疏十五日中官盧明以疏下閣密約楊廷和出下制許之而宏竟不與聞廷和與完懼宏發其狀會言官交章論護衛不可復乃謀去宏以宏私其弟費案入翰林鄉人黃初及第譖之且曰乾清宮災下詔皆宏視草歸咎朝廷傳旨令宏致仕宏南歸舟至清源濠黨陰遣人入舟中縱火行李皆爲煨燼濠黨使人舟尾窺之見舟焚而餘貲盡遂以是復濠濠乃已 寧王宸濠自稱國主妄傳護衛爲侍衛改令旨爲聖旨 夏六月寧王宸濠密令承奉劉吉等招劇盜楊清李甫

王儒等百餘人入府號把勢 八月寧王宸濠令撫臣以下朝服見撫臣俞諫不可時宸濠久畜異志會有上賜欲撫臣等朝服見諫不可又嘗去其左右爲惡者濠深銜之 冬十月寧王宸濠招鄱湖賊首楊子喬統賊徒楊清等肆行劫掠

十年春二月寧王宸濠招舉人劉養正入府密謀濠聞養正有才名習兵法延至府講論宋太祖陳橋之變養正甚稱濠有撥亂之才密約待時舉事 夏六月寧王宸濠忌都指揮戴宣擅捶殺之 冬十月江西按察司副使胡世寧奏寧王宸濠無道罪狀下兵

部移文寧府令鈴束其下時宸濠反跡已著人莫敢言世寧發憤上疏畧曰寧王自復護衛以來騷擾閭閻鈴束官吏禮樂政令漸不出自朝廷臣恐江西之患不止羣盜也伏乞聖明廣集羣議簡命才節威望大臣兼任提督巡撫之職假以陳金彭澤之權銷隙寢邪於無形勅王自王其國仰遵祖訓勿撓有司以防未然疏上宸濠頗懼委過近屬以自解以河南左布政孫燧爲都察院右副都御史巡撫江西先是俞諫以忤宸濠奪官閑住宸濠謀益橫朶削百姓輦珍寶結禁近以爲奧援及結連各洞寨逋賊縱其流

劫鎮巡藩臬以正自持者必百計去之畏禍者遂翕然依附燧知大變將作乃均征賦飭戎備實倉儲散鹽利諸凡摧剝黎萌者漸次削除偵姦黨置之法以翦其羽翼宸濠奏副使胡世寧離間親親妖言誹謗賄營內旨逮之先是世寧已陞福建按察使宸濠臨發毒之下血幾殆濠深銜世寧必欲置之死摘前疏語爲謗上賂用事者中以危法逮捕之世寧旣遷福建便道抵浙歸家濠屬其黨巡浙御史潘鵬發卒募取世寧欲甘心焉會李承勛爲按察使匿世寧變姓名間道歸命京師得不死下錦衣獄世寧獄中三

上書言江藩橫逆朝野皆聞微臣愚戆天日共鑒兩
京言官陳啓充徐文華交章論救世寧繫再經冬訊
鞫撈掠幾瘐死十一月江西豕生象宸濠三司稱
賀左布政使張嶺以義折羣議止之

十一年春三月寧王宸濠以上東宮未立密遣萬銳
林華賄錢寧等稱長子宜入太廟司香爲名迎取來
京錢寧臧賢受厚賂陰助之夏五月宸濠欲拓府
居擬大內左布政張嶺以非制拒之秋八月謫福
建按察使胡世寧戍遼東瀋陽衛初世寧刑訊一年
錢寧蕭敬張雄張銳江彬等受宸濠重賄脇刑官必

坐以誣告親王罪至死大理寺少卿胡瓚抗言曰濠
謀賴世寧以發而置之極刑何以服天下眾直之及
行撫按孫燧李潤奉勘委曲明世寧無辜得減死謫
戍奪瓚等俸 九月宸濠奪官池賄李士實左布政
張嶺不可濠遣承奉劉吉饋以四菓啓視之則棗梨
薑芥也嶺呼吉曰我知之矣是欲我早離江西界也
臣子受命於君行止豈人所能預濠聞之默然 冬
十月以王守仁爲都察院右僉都御史巡撫南贛汀
漳等處

十二年春二月寧府典寶閻順內官陳宣劉良奏宸

濠不法事濠遣承奉劉吉賄錢寧矯旨發順等孝陵
衛充軍濠疑承奉周儀實使之併家人六十餘人盡
捶死 三月宸濠令王春余欽等招募劇盜凌十一
閔廿四等五百餘人四集亡命同楊清等藏丁家山
寺劫掠官軍民財商貨復厚結廣西土官狼兵并南
贛汀漳洞蠻欲圖爲應遣人往廣東收買皮帳製作
皮甲及私製鎗刀盔甲并佛郎機銃兵器日夜造作
不息 夏五月宸濠忌布政使張嶺賄錢寧囑吏部
陞光祿卿以遠之 秋七月以許逵爲江西按察司
副使 宸濠以進貢方物爲名遣徐紀趙隆盧孔章

等赴京偵伺沿途伏健步快馬限十二日報知 九
月巡撫孫燧奏宜重九江兵備之權湖東分巡兼理
兵備倭阻之不行 冬十一月宸濠仇大學士費
宏遣人焚毀其廬墓并攻城掠羣從兄弟殺之孫燧
請兵擒捕下兵部議 十二月命太監畢貞守江西
貞遂附宸濠謀逆

十三年春正月寧王宸濠誣奏清軍御史范輅賄近
倖逮問除名輅與畢貞爭坐及辨朝王服色故被陷
秋八月宸濠大集羣盜濞十一閏廿四吳十三等
四出劫掠有抗者陰使盜屠其家吳十三劫新建庫

銀七千餘兩南昌知府鄭璫置其窩主何順於理濠
怒誣獄事執送按察司監禁 九月宸濠賄佞倖改
中官畢貞鎮守浙江 冬十月巡撫孫燧捕賊首吳
十三等繫南康府獄濠恐泄謀陰令賊黨劫獄奪之
十四年春二月寧王宸濠持重賄交通南京畱守太
監劉琅 夏四月孫燧自劾乞罷不許時李士實劉
養正王春劉吉萬銳等日夜與宸濠謀恐事起以反
爲名欲伺晏駕後乘變起益遣奸黨盧孔章等分布
水陸要道萬里傳報浹旬往返蹤跡大露先是孫燧
託禦盜名城進賢南康瑞州又請勅湖東道分巡兼

理兵備與饒相犄角九江當湖衝最要害請重兵備兼設南康寧州武寧瑞昌及湖廣興國通城便控制廣信橫峰香山諸寨地險人悍設通判駐其地兼督六縣又恐宸濠一旦起劫兵器假討賊盡調衛城兵器於外嘗笑曰卽賊起吾不滅賊賊必以吾處分故速滅也會江西大水淩十一吳十三閔廿四等出沒鄱陽湖爲寇燧與許達自江外掩捕之夜大風雨不克濟三賊走匿宸濠林墓中竟不得濠恐乃致書陸完曰急去孫燧用梁辰湯沐來王守仁亦可切勿用吳廷舉時燧疏宸濠逆謀凡七上宸濠奸黨邀諸途

皆不得達燧又以朝廷懿親不敢先發故自劾乞休
不報 五月遣太監賴義駙馬都尉崔元都御史顏
頤壽戒飭宸濠時江彬錢寧有隙太監張忠等常欲
借彬以傾寧會濠居父喪矯情節禮復令南昌生徒
保舉孝行挾孫燧并巡按御史王金奏其事燧等欲
緩其逆謀具疏上之上見奏驚曰百官賢當陞寧王
賢欲何爲且將置我何地耶張忠乃乘間密言曰朱
寧臧賢交通寧王謀不軌陛下不知乎稱王孝譏陛
下不孝也稱王早朝譏陛下不朝也上領之東廠太
監張銳大學士楊廷和初亦黨濠爲復護衛已而銳

知有反謀且知上入忠言乃與廷和謀欲復革去護
衛以免後患於是御史蕭淮疏稱寧王不遵祖訓包
藏禍心招納亡命反形已具疏入江彬張忠贊其說
遂勅義等往革其護衛給事中徐之鸞御史沈灼各
上疏宸濠不法事詔發兵大索宸濠偵卒於臧賢家
時宸濠偵卒林華匿賢家家多複壁外鑰木廚開則
長巷人無覺者華以是得脫歸不獲 六月丙子寧
王宸濠反都御史孫燧按察司副使許逵死之先是
朝廷遣賴義崔元顏頤壽等行崔元過楊廷和詢之
廷和曰宣德中有疑於趙府常令駙馬袁泰往覓得